

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 2799 del 27/11/2020

Traduzione in ladino

Tampons de varijon: prenotazion al Cup online

Dai 24 de november i malé de Covid – 19 i pel prenotèr l tampon molecolèr de varijon tras l Cup online. Chi che à l'ejit del tampon positif (tant molecolèr che spedit) l ciaparà, ensema col zertificat de isolament, ence un codesc de prenotazion, con chel che l podarà resservèr en autonomia l'apuntament per l tampon de varijon, tras l CUP online. La prozedura la é vaevola per duta la persones positives a scomenzèr dai 23 de november. Per desiarièr l zertificat de isolament e l codesc de prenotazion bèsta jir sù sul program TreC e FasTreC (<https://trec.trentinosalute.net/home>) o su l'App TreC_FSE la dì dò da l'ejit del tampon.

L'é demò un codesc de prenotazion e chest l dèsc l met de prenotèr l tampon de varijon no dant che sie passà diesc dis da canche l'é stat fat l tampon con ejit positif; col medemo codesc se podarà resservèr, se l prum tampon l fossa amò positif, ence l secont tampon de varijon dò 15 dis.

Col codesc, se pel prenotèr l tampon de varijon al Cup online (<https://cup.apss.tn.it>) o sul program TreC (<https://trec.trentinosalute.net/home>) e co l'aplicazion TreC_FSE, cernan anter la sentes di drive through sul teritorie.

Recordon che la jent positiva a un tampon spedit o molecolèr cogn stèr en isolament per 21 dis da canche vegn fat l tampon. Donca vegn programà n tampon molecolèr dò 10 dis e dò semai 15 dis, dò dal prum test: se un di doi tampons l fossa negativ, l'isolament l fenesc dantfora. Se i doi tampons i é positives, dò 21 dis (da canche l'é stat fat l prum tampon positif) no se é più en isolament e no l'é de besegn de fèr de etres test (aboncont demò se l malà, per na setemèna, no à più sintomes).

L zertificat de isolament l vegn enjontà tel resultat per duc chi é positives a scomenzèr dai 12 de november. Chi che à ciapà l resultat de esser positif dant de chesta dì, l vegnarà contatà da la zertèla tant per l zertificat de isolament che ence per la prenotazion del tampon de varijon.

Traduzion di Servijes Linguistics e Culturèi del Comun general de Fascia

(Traduzione a cura dei Servizi Linguistici e culturali del Comun general de Fascia)

(cdt)